
"ОНАЖОН, СИЗНИ ЖУДА ЯХШИ КЎРАМАН!"

Вилоятимизда учинчи мартаба ўтказилаётган "Оналарга эҳтиром" фестивали жойларда юқори кўтаринкилик билан ташкил этилмоқда.

Қува туманидаги "Ўзбегим" тантаналар саройида вилоят Мактабгача ва мактаб таълими бошқармаси томонидан "Оналарга эҳтиром" тадбири ўтказилди.

Маросимга бошқарма ишчи ходимлари ҳамда Мактабгача ва мактаб таълими соҳаси мутасаддилари ўз оналари билан бирга ташриф буюрдилар.

Файзли дастурхон атрофида жам бўлганларни вилоят Мактабгача ва мактаб таълими бошқармаси бошлиғи Шерзод Долимов қутлади.

Тадбир доирасида раҳбар ташаббуси билан бошқарма томонидан тайёрлаб қўйилган эсдалик совға ва гулдасталарни барча йиғилганлар ўз оналарига тақдим этиб, "Онажон, мен Сизни жуда яхши кўраман!" деб ҳурмат бажо келтирдилар.

Маросимда сўз олганлар юртимизга тинчлик, барчанинг касби-корига барака, таълим соҳасига ривож тиладилар.

Мунис онахонлар бугунги эътибор ва эътирофдан мамнун бўлиб, тадбир ташкилотчиларига миннатдорчилик билдирдилар.

Тадбирда япониялик мутахассис Гото Микако ҳам иштирок этди.

Куй ва қўшиқлар, даврадаги ўйин-кулгулар тадбирга ўзгача файз киритди.

Вилоят Мактабгача ва мактаб таълими бошқармаси ахборот хизмати

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-05-18 10:07:16